



Inatsisartuni ilaasortaq
Evelyn Frederiksen

Takornariaqarnermik suliaqartunut tunngatillugu § 37-mi apeqqut nr. 170-imiittunut akissutit

20. august 2014
Sagsnr. 2014-096908
Dok. Nr. 1658387

Inatsisartut suleriaasianni § 37, imm. 1 naapertorlugu takornariaqarnermik suliaqartut aamma nammattagaliinnarlutik takornarianut tunngatillugu pissutsinut assigiinngitsunut tunngassutillit Naalakkersuisunut apeqqutigisimavatit. Apeqqutit uanga suliaasaqarfinnut akissuteqarfigisassanngorlugit innersuussutaasimapput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.naalakkersuisut.gl

1. Nunatsinni takornariaqarnermik suliaqartut qassiuppat?

Akissut:

Takornariatitsineq tassaavoq inuussutissarsiornermik suliarisaq naatsorsueqqissaarisarnermut tunngatillugu suliaqarfiit assigiinngitsut arlallit ataanni nalunaarsorfigineqartartoq. Assersuutigalugu akunnittarfeqarnerup neriniartarfeqarnerullu kaaviiartitaasa ilaat takornariatitsinerup tunngassuteqartut erseqqissuuvoq, kaaviiartitali ilaat suliarisanut allanut tunngasuullutik. Taamaattumik pisortanit pissarsiassaasutut naatsorsueqqissaarinermik ikiorserluni apeqqutigisaaq piviusumik akineqarsinnaanngilaq.

Taamaattorli (ukiumut 2011-mut) Naatsorsueqqissaartarfiup inuussutissarsiornermut naatsorsueqqissaarinerani tamanut saqqummiussami kingullermi suliffeqarfiit makku iluiniittut imatut amerlassuseqartutut naatsorsormagit ilisimatitsissutigineqarsinnaavoq

- Akunnittarfeqarneq neriniartarfeqarnerlu 111
- Assartuineramik (angallassineramik) suliffeqarfiit 271
- Niurnermik aamma iluarsaassisarnermik suliffeqarfiit 321

Suliffeqarfiit taakku sulianik takornariatitsinerup tunngasuusunik aalajangersimasumik annertussuseqartuuteqarnissaat naatsorsuutigineqartariaqarput.

Visit Greenlandip ilisimatitsissutigaa takornariatitsinerup iluani, aammalu Kalaallit Nunaanni najugaqartuusunik suliffeqarfinnik 162-inik attaveqarluni. Suliffiit taakku imatut agguataarput:

- Turoperatørit (angalatitaqarlutik takornariatitsisut) 44
- Transportører (angalaartitsisartut) 15
- Unnuisarfiit 64
- Katersugaasiviit 20
- Nunap ilaani takornariatitsinerup ataqatigiissaarisut 5
- Tammajuitsussanik pisiniarfiit 5
- Timersornermik ingerlataqartitsisartut 9

2. Qassit nunaqavissut takornariaqarnermik suliaqarpat?

Akissut:

Suliffiit taaneqartut tamarmik Kalaallit Nunaanni nalunaarsugaapput, nunaqavissutullu isigineqarlutik.

3. Qassit nunanit allaneersut nunatsinni takornariaqarnermik suliaqarpat?

Akissut:

Qulaani apeqqut 2 takuuk.

4. Kiap takornariaqarnermik suliaqartut nakkutigai, qanorlu nakkutigineqarpat?

Akissut:

Suliffinnik takornariartitsinermit tunngasutut sulianik ingerlatsisunik immikkut ittumik oqartussaasunik nakkutilliisoqangilaq.

Suliffinnut taakkununga sulianut pineqartunut nalinginnaasutut malittarisassat atuuttuupput. Tassalu assersuutigalugu neriniartarfiutilinnut uumasut nakorsaata aalajangersagai aamma nerisassanik suliaqarlutillu tunisaqartunut takornariartitsinermit tunngassutilittut suliffinnut aamma atuuttuupput – ilanngullugit soorunami immikkut taamatut ittut takornarianut nerisassianik piariikkanik sassaalliteqartut. Taamatuttaaq assersuutigalugit suliffeqarfinnut immakkut angalatitsisuusunut ilaasunik immakkut angallassinermut isumannaallisaanermik aalajangersakkat tamarmik atuupput. Taamatuttaaq isumannaallisaanermut aalajangersakkat aamma sullivinni avatangiisinut malittarisassiat allat tamarmik atuuttuupput.

Suliassaqarfinnut akisussaasutut oqartussaasut namminneq suliassaqarfigisatik nakkutilliisuuffigaat.

5. Kikkut takornariaqarnermik suliaqarnissamik akuersisartuuppat?

Akissut:

Nunami kiffaangissuseqartumik inuussutissarsiuteqarsinnaasoqarpoq. Takornariartitsinermit suliaqarfimmik ingerlatsinissamut immikkut ittumik sioqqutsisumik akuersissuteqarnissaq pisariaqangilaq. Sulianut immikkut ittunut, soorlu immakkut angallannermut immikkut ittutut akuersissutit tamarmik aamma takornarianik sullissinissaq siunertaralugu taamatut pisatut suliamik ingerlatsisunut suliffeqarfinnut aamma atuupput, soorlulusooq nunaminertanik atuinissanut tunngatillugu aalajangersakkat tamarmiusut.

6. Ilumoorpa aasaq naallugu tupermi takornarissanik najugaqartitsisarneq akeqanngitsumik? Nunatsinnullu tamanna iluarnaarutaanngitsumik ingerlava?

Akissut:

Apeqqut imatut paasinninneq aallaavigalugu akineqarsinnaavoq immikkut ittumik akileeqqaassanatik takornariat asimi nunaannarmi tupermik

nappaasinnaaneriniq. Assersuutigalugu tassaasinnaapput pisuttuarlutik takornariat, asimi unnuiniarnerminnut atatillugu tupermik nappaasut.

Tamatumani takornarianut immikkut ittunik malittarisassaqaqngilaq. Nunami malittarisassiat nalinginnaat atuuttut – allanut ajoqutaanngikkaangata – asimi nunaannarmi tupertornissamut pisinnaatitsipput.

Pisuttuartunik takornariaqarneq inuiaqatigiinni aningaasaqarnermut ilaatigut Kalaallit Nunaannut isernermi aallarnermilu angallarnermut aningaasartuutitut ittunik ilapittuuteqarpoq. Taamatutaaq pisuttuarlutik takornariatut nunamiinnerminni aalajangersimasumik atugaqarnissaat naatsorsuutigisariaqarpoq, assersuutigalugu takuassanik, tammajuitsunik aammalu annikinnerusumik atortussaasinnaasunik pisiortornermikkut. Taamatutaaq pisuttuarluni takornariaq nalinginnaasoq tikinnermut aallarnermullu angalanerminut atatillugu akunnittarfimmi, guest-housemi imaluunniit vandrehjemmimi ataasiarluni imaluunniit arlaleriarluni unnuisariaqartassaaq.

7. Takornarissat nammattagaliinnarlutik tikittut kiap nakkutigai sumullu innersuunneqartarpat? Sunillu suliaqartarnersut aamma nakkutineqartarpa?

Akissut:

Allatuulli nammattagaliinnarlutik takornariat malittarisassiat taakku aamma atugassaraat. Taamaattumik nammattagaliinnarlutik takornarianut immikkut ittunik nakkutilliisoqanngilaq. Malittarisassianik atuuttunik nammattagaliinnarluni takornariaq unioqqutitsissappat malittarisassiat pineqartut kimilluunniit allamit unioqqutinnerannisulli tamanna politiinut suliassaassaaq.

Inussiarnersumik inuulluaqqusillunga



Jens-Erik Kirkegaard